

## ՀՆՁՅԱԿ

Ես, դեռ մանուկ, ժամերով կուզվեի, վերացած,  
Դյուցազնական երգերու շլացքներու մեջ ուժգին,  
Եվ ունկնդիր անունց հաղթ հնչյուններու նվագին՝  
Կզգայի, թե մարդն ինչպես կըլլար հերոս ու աստված:

Դեռ ձայներն այդ ներդաշնակ կուտան սլացք իմ հոգվույն՝  
Չքնաղ բոմբյուն մարտերու, սուրի փայլակ ու սուսեր,  
Երիվարներ ծառացած, հերոսական շեփորներ,  
Մեր այնքա՛ն ջինջ երկնքի քաղցրության մեջ թաթավուն:

Քաղաքներու մեջ հսկա ես գեղջուկ եմ մնացած:  
Ահ, կուզեի հին ռազմիկ ըլլալ այս նոր օրերուն,  
Որ այնքան նեւզ եմ սրտերն ու հոգիներն՝ այնքան ցած:

Կուզեի դեռ զգենուլ պերճ հանդերձներ ակնահեռ,  
Եվ կերազեմ երգել մեծ, ահեղ արքա մը, որուն  
Փառքի կառքին ետևեն կերթան գերի արքաներ:

## ՋԵՆՈՒԲԱ

Օ՛ գեղեցիկ Ջենոբիա իմաստության վեհ խույրով,  
Մեծ կայսրությունն մը ամբողջ կտարածվեր ոտքիդ տակ:  
Թևըդ հպարտ, որ երբեք չգրկեց սեր ու հեշտանք,  
Փողովուրդներ կվարեր, ազգեր ըմբոստ ու խոով:

Քեզի թավիշ ու մետաքս, արամանդե դրասանգ,  
Քեզի խունկերն Արաքիո և բուրմունքներն հնդկական,

Քեզի շքեղ հաղթականք՝ անմահությանը վկան,  
Եվ պապղուն սուր մը դեռ, որ քալես մեղք ու մեղսանք:

Բյուր հպատակ և ո՛չ մեկ երկրպագու ոտքերուդ.  
Սիրտըդ լեցուն տխրությամբ, կարոտ գրկի մը գոլուտ՝  
Կերթայիր դուն, կրկնելով ուազմի բառեր բոցակեզ:

Եվ օր մըն ալ, երբ հոռոմ բարբարոսն այն վերջապես  
Սիրահարի սիրտն իր բուխ փոքրիկ ափիդ մեջ դրավ,  
Լքեցիր գահդ, ուր այնքա՛ն միևսակ էիր դուն իրավ:

## ԼԵՆԿԹԵՄՈՒՐ

### Լ. ԷՍԱՃԱՆՅԱՆԻՆ

Ինչպե՞ս երգել փառքըդ անփառք, օ Լենկթեմո՛ւր:  
Հնքը սյուքի կլավի՞, երբ մրդիկներ կան.  
Շուրջըդ՝ մահվան հոնդյուններ, կոծ ու կական:  
Եվ դեռ թռչող հրամաններդ՝ ցին ու ուրուր:

... Գիշեր: Աշխարհ քուն է մտած: Անասող երկինք:  
Բյուր գանգերու վրա, դիզված, ինչպես բուրգեր,  
Մարդ մը անփույթ կերազկոտի զերթ գիշակեր,  
Մինչ կեռա գետն, համակ արյուն ու ճապաղիք:

Շառագունած չոր մատերե՛ն կկախվի ցած  
Ոսկրե համրիչ մը սոսկալի, իսկ քովն անոր,  
Գերանդիներ բռնած՝ շարքի են լուռ կանգնած

Փերի ու ճին, ուրվականներ ժանտ ու դժնյա:  
Եվ Մահն անոր մոտե՛նալով, կըսե խոժոռ.  
— Վաղը հարավ գնա, օ իմ ժի՛ր պաշտունյա...

## ՄՈՒՀԱՄՄԵՂ

Խոնարհորեն կթերթեմ գիրքըդ, Մուհամմե՛դ:  
Դուն, որ եղար թե՛ Ավանող և թե՛ գիտուն,  
Պարզե՛ ինձ մութը Ղուրանիդ սուրահներուն,  
Որ կարենամ ըմպել գեթ պուտ մը գինի՛դ:

Հունչը խոսքիդ անապատներ կլեցը՛ներ:  
Եվ չոր սամումը՝ քու շունչիդ անեղ քամին,  
Կհալածեր ու կքշեր փոշին մթին,  
Որ սրտերուն բաշխեր կանաչ օվազիսներ:

Կուզեիր հոն տնկել թուփ ու արմավի ծառ:  
Թե փաթթոցըդ հագած մեն մի պիղծ հետևորդ  
Մարդու արյամբ լոկ ողողեց քիմք ու կոկորդ,  
Ալլահ գիտե, թե դուն որքան էիր անչար:

Բայց մանավանդ, օ դո՛ւն, ոգի՛ աչքերով խեթ,  
Մարգարե սուտ թե ճշմարիտ, հին ուղտապան,  
Ինչպե՛ս կրցար քանի մը պարզ բառով միայն  
Ցեղ մը քոչվոր դարձնել ընտիր ազգերու պետ:

## ԾՈՎԱՀԵՆԻ ԵՐԱԶ

Օ՛ մարտերու հաճախանքներ փոթորկաբույր,  
Հաճախանքներ արկածներու հնամենի:  
Հաղթերգներու պարս կա իմ մեջ, որուն ի լուր  
Կզգամ ճակտիս դրասանգներ Ծիր կաթինի:

Օ՛ երկիրներ, ծովեր անհուն, զոր չեմ տեսեր,  
Լեռներ, ափեր ու բլուրներ շեկ ավազի,  
Օ՛ մեկնումներ, խոլ մեկնումներ, վեհ մեկնումներ  
Դեպի անհայտ ու անաճուն հով ու կղզի:



Օ՛ հաճախանքը երթերու արբեցուցիչ,  
Կայսեր վերձիգ, ցուկներ ցից ու ջրահեղձ,  
Դրոշներ, կարճ հրամաններ, մորիկի ճիչ,  
Թներ, ինչպես մեծ ծաղկեփոսնջ, ջուրերու մեջ:

Օ՛ անտառ ու ափեր, որ կույս, անհույս են դեռ,  
Օ՛ տեսիլներ, օ՛ ոսկիի մոլուցք ու մաղձ,  
Օ՛ հոգեցունց մղձավանջներ, անասնձ սույրեր  
Պամպասներու վրա, դեպի հասարակած:

Օ՛ նայվածքներ անհունության վրա բացված,  
Ցից դրոշներ և նվաճված երկիր ու հող,  
Նոր քամիներ, սյուքեր հուզիչ, ինչպես քերթված,  
Քաղաքներու պաշարումներ, բերդի գրոհ...

Ես՝ արդի մարդըս, ունիմ հին, հի՛ն հպարտանք՝  
Արյանըս մեջ կթավալին ասքեր ու տաղ,  
Համրիչի պես կգլեմ ես քառյակ ու գանգ,  
Եվ փառասպանձ են երգերըս, ինչպես մետաղ:

## **ՀԻՆ ԱՎԵՐԱԿՆԵՐ**

**(Հայաստանյան տեսիլ)**

Կանաչ ոգին դաշտերու կարբեր լուսնի առուեն,  
Եվ կեսգիշերը կօրրեր ճյուղերու քունը ճերմակ,  
Կծաղկեին աստղերու շողերեն լիճ ու լճակ,  
Ուր թեղոշները հուշիկ կթոթվեին բյուր հայրեն:

Այն ժամն էր, երբ աղոթքի համար ձեռքեր կձուլվին...  
Մեհյանին քով, զոր մարդիկ և դարերն են ավերած,  
Աղբյուր մը կար հեթանոս, որ կոլորվեր ու կամաց  
Կեղանակեր հոգևոր տաղ ու տրտունջք ցայգային:

Ծեր կաղնիները, շարված, սաղմոսներու հանգունակ,  
— Թագավորներ գահընկեց — կհակեին վայրապար,

Որ կայծկլտուն մարմարի մեջտեղ տեսնեն սպիտակ  
Անահիտ մայր դիցուհին պարեգոտովն իր երկար...

## Օ՝ ԶԱՆԳԵՐ

Դուք, որ ձայնիս միշտ խառնեցիք ձայները ձեր,  
Դուք՝ անաւուն դետ արույր ու պղինձե,  
Որ ոստոստուն ձեր սուրերով քամիներեն  
Առաջ կանցնիք ու կկտրեք դաշտերն ամեն,  
Դուք՝ ազնիվ բով, ուր կդառնա հեծքը աղոթք,  
Դուք՝ լույսի ճիչ, արծաթե պարս, ողկույզ ատոք,  
Վերածնության աճյունակալ, սկիհ անտեր,  
Դուք՝ տարորեն հսկա ծաղիկ, որ բույրը ձեր  
Կսիռեիք, ինչպես բոսոր նվազ ու Բան,  
Դուք՝ հնչուն սիրտ հին դարերու մեջ գոթական,  
Խորունկ կշռույթ, երակներու զարկ մշտարթուն,  
Դուք, որ ներում կբաշխեիք ու քալություն,  
Օ՛ ձույլ զանգեր, ոսկի զանգեր, զանգեր տիտան,  
Ղողանջեցե՛ք կյանքի հաղթերգը հավիտյան:

## ԿԱՐՈՏԱԽՏ

Եվ ես հաճախ կոգեկոչեմ կղզի մը պերճ,  
Որ պարտեզ է համակ, դաշլաշլ, երգ ու կարկաշ,  
Որ կան լույսի ու կապույտի ցայտք ու ջրվեժ,  
Որ սոսաի է, սյուք է մեն մի կարոտի կանչ,  
Եվ օրերն են անմայրամուտ, այգերն՝ անվերջ:

Ծաղկահեղեղ մըն է ամեն առկախ պարտեզ:  
Սաղարթներուն վերև բույրի բիլ պարույրներ  
Կհորինեն խունկի բարակ ամպերու դեզ,  
Որ հեշտագին կցրցքնե շաղիկ ու շեր,  
Երբ որ փխրին սրտեր անոր ծուփքին ի տես:



Այնտեղ անկոպ աչքեր, անհուն սիրով լեցուն,  
Փղոսկրին մեջ դրվագված ջիւնջ աստղերու պէս  
Կապաղան, մինչ երգին տակ սոխակներուն  
Թափուտներու մեջ կօրոյրվին ճոճքեր բեհեզ,  
Որ տարփահեղց սրտեր հուշիկ կմտնեն քուն:

Շրթունքներու պէս, տերևներ նուրբ ու ստվար,  
Ջեփյուններուն կածեն սրինգը հովվական:  
Թռչուններու թևերն են վին, մեյմեկ քնար:  
Ավագներու և կապտերակ խիճի փոխան  
Ոտքերու տակ գանակներ են լճափն ի վար:

Հոն սիրահար առյուծներու հետ եղջերուն  
Սիրո շուրջպար մը կբռնե, ուր կդառնան  
Սիրամարգներ ու սիրեմներ, վագր ու կողջուն:  
Եվ երբ իր սերը շնջա սիրող տղան,  
Կզգա հանկարծ Պանի սրինգն իր շրթներուն:

Կապտակոհակ ծովն իր ծոցին մեջ հոլանի  
Մեղմ կօրորե նավարկելու պատրաստ ժայռեր.  
Թևակներու կշռույթին մեջ ու ճողփյունի,  
Որ սնդուսի կարծես շրջուն են տարուբեր,  
Սիրերգներու հոգին է, որ կծածանի:

Չմռան պատրանք տալու սիրուն, այնտեղ ճերմակ  
Կարապներու փետուրներ են, որ կձյունեն:  
Երբ բանաստեղծն ուզե փորձել երգ ու նվագ,  
Ան տավիղներ կընդնշմարե մեգին մեջեն,  
Չոր կբերեն ջրանուշներ թևերնուն տակ...

## ՀՈՎԵՐՈՒՆ ԵՐԳԸ

Մենք նծույգներն ենք անկնճիռ տարածության,  
Ժամանակի մեջ չունինք կայք ու հանգրվան  
Եվ կողջունենք ազգ ու ազիճք:

Սահարաներ ու Սիբիրներ կալվածն են մեր,  
Կանցնիք ապառ ու անապառ, դաշտեր ու լեռ՝  
Ո՛չ կանգ կառնենք, ո՛չ կհոգնիկք:

Ի՛նչ չենք տեսած մեր թափառկոտ ընթացքն ի վար՝  
Զյուն գագաթներ, ծով ու ծոցեր մրրկավար,  
Չկար սահման, որ մեզ կեցներ,  
Քանզի մենք հողմ ենք, սամում ենք, բուք ու բորան,  
Մարգարեներ անագորույն ճշմարտության,  
Հոգեհորոգ առաքյալներ:

Մեր գրոհները կփլեն կուռք ու կոթող,  
Բանակներ ենք հարթավայրեր հորդեցրնող,  
Որ չի աճիր մացառ անգամ:  
Հերոսներ ենք, չունիկք ո՛չ մահ, ո՛չ ալ անուն,  
Տիեզերքին ճամբաներուն վրա բանուկ  
Մենք՝ ասպետներ թափառական:

Տեսեր ենք վանք, պալատ ու հյուղ, և դեռ մեզի  
Ոգորումներն ալ ծանոթ են մութ ու լույսի:  
Խարույկներու նման մաքուր,  
Կբորբոքենք հաղթանակներ, փառք ու քերթված,  
Սրբազան հուրն արարչության, հույսն առ աստված  
Եվ լազուրի սլացք ու սույր:

Մենք կնավենք, և չկա ուժ, որ գերբնական  
Մեր նավերուն կարենա գեր կասել ճամբան  
Դեպի անհուն, դեպի բլեռ:  
Մենք ցունց կուտանք դարավոր բարձր զանգերուն,  
Մենք ցասում ենք, վիշտ ենք, կազդույր և գթություն,  
Մենք՝ հևք, երկինք, օդ ու թևեր:

Մենք կավետենք Արևն, որու արդարությամբ  
Պիտի սիրեն, ձուլվին մարդիկ, և առնե թափ  
Ամեն թոհչք, ամեն անուրջ,  
Զի մենք՝ լույսի և կապույտի ձիգ ձայնաշար,  
Մենք՝ շրջմովիկ ուրվականներ, աննյութ տաճար,  
Թափառահաճ Աստվածաշունչ:



Մենք շրջմովիկ տեսիլ ենք լուկ, անտուն՝ ուրու,  
Նման անգահ ու աներկիր արքաներու,

Ծշմարտության առհավատչյան:

Եվ կբոցենք բյուր փարուսներ, ծով ու գիշեր

Եվ պատմության մեջ կոլորենք դար ու դարեր

Բանն ու բարբառն հավերժության:

## ԱՂ ԱՆՑՅԱԼՆ Է ՄԵՌԱԾ...

ԱՂ անցյալն է մեռած և մթնած է ուղիւն...

Սպի մը սրտիս մեջ, որ խոր է, քան թաքուն,

Զեռքիս մեջ դողդոջուն՝ տերեփուկ մը դեղիւն,

Եվ խորշոմ մը ճակտիս, բույլն անցած օրերուն.

Ահա ինչ որ մնաց, և մթնած է ուղիւն...

Կհիշե՞ս դեռ լուսեղ ժամերը վաղորդյան՝

Մետաքսեան ավելի թեթև շող ու շուքեր,

Պարտեզներ, սևեռուն, երկնքի բարության,

Երբ արևը լեռան ընդերքեն կժայթքեր,

Կհիշե՞ս տակավին ժամերը վաղորդյան:

Օրերն այդ փութանցիկ կհուզե՞ն մերթ հոգիդ.

Երբեմնի երդումներն ու հնքերն անհամբեր,

Խոստումներդ առատ, երազներն ի վճիտ.

Զմռան շունչ մը զանոնք քշելու կբավե՞ր:

Օրերն այդ փութանցիկ կհուզե՞ն մերթ հոգիդ,

Առավոտ թե կեսօր թե նվաղ իրիկուն,

Եվ գարուն թե ձմեռ՝ տրտմունակ կամ շոյող,

Քու սիրտըդ՝ պերճ ծաղիկ, գաղտ բույրով տոգորուն,

Կցաներ հիացքի և ժպտի կայծ ու դող

Առտըվան, իրիկվան լույս թե մութ ժամերուն:

Ծափրակները թռչնած, բույրերը ցիրուցան

Ետ կուզա՞ն հաճելու ծառերուն տակ նախկին:



Ահ, կանաչ կհագնի՞ն տերեւները աշնան,  
Քայլն, ըսե՛, կփնտրե՞ երթեմնի իր ուղին:  
Օ՛ թռչնած շափրակներ, Օ՛ բույրեղ ցիրուցան:

Ալ ինչո՞ւ վերհիշել անցյալն այդ հեգնադեմ,  
Օ դո՛ւն, որ մահն եղար, խառնըված սուրբ սիրույն,  
Օ դո՛ւն՝ վարդ քնքշաթերթ և սուր փուշ նույն աստե՛ն,  
Դո՛ւն՝ կորած այգերու հեղհեղուկ իրիկուն:  
Չհիշե՛նք ա՛լ, ավա՛ղ, անցյալն այդ հեգնադեմ:

### **ՏԱՂ՝ ԱՆԾԱՆՈԹ ԱՂԶԿԱՆ**

Չանգակատուն մը ինչպես իր արցունքներն արույրե  
Չորս հովերուն մեջ մեղմիկ անփութորե՛ն կսփռե,  
Պաղատելով գերագույն արարիչին անհոգի,  
Այդպես ալ, Օ՛ կույս աղջիկ, այս տրոփները արշան,  
Ցրված, ծուխին և մանրիկ փտորներուն պես խունկի,  
Քե՛զ կաղերսեն մութին մեջ, ուր երգերն իմ կմխան:

Պե՛տք է դեռ քեզ սպասեմ, երբ հետքերն իմ ռոքերուն  
Դրոշմեցի՛ն քաղաքներ, ավերակներ, շիրմատուն  
Եվ անտառներ մթաստվեր,  
Երբ կտրեցի հետապինդ, կրկներևույթը գրկած՝  
Օվկիանոսներ խաժագույն, ձյունասպիտակ կատարներ  
Եվ ավազներ հրաշքաց:

Եվ տարիներ շարունակ, գերթ ուխտավոր տարփակեզ,  
Անհանգրվան ու անքուն թափառելե ետք այսպես  
Անկարելի երկիրներ,  
Հայցելե ետք սյուքերուն, որ գեթ ձայնըդ ինձ բերե՛ն,  
Ի՞նչ, այս անգամ ալ միթե, ըսե՛, պիտի մեկնիմ դեռ,  
Չհանդիպած քեզ նորե՛ն:

Անանո՛ւն իմ, ահ, եկո՛ւր: Ինձի համար կդառնաս  
Բեատրիչեն իմ պարկեշտ և Ազնեսն իմ ու Լարաս,

Եվ Հելենն իր ներքողած Ռոնասարն ինչպես կամ Վիւնչին,  
Որ երազեց ու երգեց աստվածային Էլոան,  
Կուզեմ, օ՛ կույս, հեռավոր դարերու վեհ ճակտոնին  
Խոնջ մատերով փորագրել տառերը սուրբ քու անվան:

## ՏԱՂԻԿ

Կիմանա՞ս դուն երբեք: Աղվո՛րըս, երբ կանցնիս  
Պարտեզեն ցողաթուրմ,  
Առանց իսկ զգալու կսփռես ամենուր  
Թովչանք ու թարմություն:

Իսկ երբ որ ցոլալով կերնիս դուն անփույթ  
Ծաղկոցին անկունեն,  
Ծաղիկները բոլոր կդառնան, որ իսկույն  
Քեզ խոնարհ ողջունեն:

Եվ ի տես այստերուդ՝ հովին մեջ բուրելով,  
Հագրեվարդ ու շուշան,  
Իրենց նուրբ ցողունին վրա, լուռ ու թալկոտ,  
Նախանձե կրողան:

Զգած խաղ ու խայտանք՝ դեղձանիկ ու սոխակ  
Կբռնեն շունչերնին,  
Որ լսեն դալարիքը մեղմիվ ընթառրող  
Քայլերուդ մեղեդին:

Կապույտին մեջ կայթող թիթեռնիկը զվարթ,  
Խաբվելով շլացքեդ,  
Կհալի մազերուդ, որ տանի թևերով  
Անոնցմե կայծ մը գեթ:

Այգիին մեջ աշնան, երբ կուզես նուռ քաղել,  
Ծառերը հեզաբար  
Կծռեն ճյուղերնին, որ թափեն միրգն իրենց  
Կուրծքերուդ դողն ի վար:

Օղի՛ն մեջ ու շուրջըդ, ուր բույրեղ կհաճին,  
Շափրակներ կձյունեն,  
Տերևները կըղձան կորզել կույս շրթներով  
Համբույրներ քու մարմնեն:

Սյուքերը հեռուն դեպի քեզ կշտապեն  
Եվ, արթշիռ, կսուրան,  
Ըմպած բարկ մշկաբույրը շունչիդ, որմե ես  
Զրկված եմ այնքան:

Մայր մտնող արևին տակ սաթե մագերուդ  
Փրփուրներն հորդելակ  
Կհոսին ուսերեդ որպես թե ըլլային  
Կտոթ մը արեգակ:

Աղվո՛րըս, երբ կանցնիս, թռչունները կարծես  
Կշատնան ճյուղերուն,  
Մաղիկներն ավելի հոտավետ կդառնան,  
Ավելի ջինջ՝ առուն:

### ՈՐՀՆԵՐԳ ՄԱՐԴՈՒՆ\*

Այս իրիկուն փոթորկոտ մակընթաց մը մարդկային,  
Ցնորակոճ սաստկությամբ հորիզոնին հորդելով,  
Ափին վրա իմ սրտիս, ուր մուրդ է իմ հոգին,  
Կփրփրեցնե հույսերն իր կարմրաշառայլ շեշտերով:

Ես կտեսնեմ հորձքն անոր, ինչպես թաթառն ամեհի,  
Եվ հողմին մեջ, որ անոր խոլ խաղացքեն կպոռթկա,  
Կշնչեմ տենդը ցրիվ հեժեժանքի, անդոհի  
Եվ գերագույն տքնանքի ոստաններուն այս հսկա:

\* Արմեն Տորյանի այս բանաստեղծությունը 1913 թ. ֆրանսիացի բանաստեղծների և գրողների միավորման հայտարարած մրցույթում առաջին մրցանակի է արժանացել և տպագրվել է նրա «Անվոլե» («Թոփչք») պամֆլետում:



Կտեանեմ ճիգ ու ճիշի, մետաղներու, անձկության  
Մակընթացն այդ, որ կուռի, կուգա կոհակ առ կոհակ,  
Եվ երազներըս հանկարծ պիշ-պիշ աչքեր կբանան  
Աշտարակիս փղոսկրե պատերուն մեջ ամրափակ:

Մակընթացն այդ կուգա միշտ: Ա՛լ միևակ չեմ բնավին.  
Առասպելյալ դարերու իմ մեջ կզգամ ուժն ամբողջ,  
Կզգամ զիս մեծ՝ մեծությամբն աշխարհներուն ու կյանքին,  
Եվ խորունկ եմ ավելի, քան հորձանքներն հողմագոչ:

Այսօր հզոր կզգամ զիս երգիչներուն պես բոլոր.  
Բյուր անմահներ հառնեցին իմ սրտիս մեջ երերուն,  
Տաղերն անոնց տոնական, անոնց դարերը բոսոր  
Թներըս լայն պարզեցին արշանըս բորբ տենդերուն:

Այս իրիկուն իմ մեջ կա առաքյալի շունչ մը տաք,  
Այս իրիկուն զիս կզգամ աստվածներու շառավիղ.  
Խաշիդ վրա ես հպարտ նահատակն եմ, օ քաղա՛ք,  
Որ կտողաս ոսկիի տիղմին մեջ ու շարավին:

Ձեզի համար, մարդկային ալիքնե՛ր սուրբ ու վսեմ,  
Հորիզոններ պարսիակող պրոմեթէսյան թևերով  
Կատարներուն վրա ես պիտի վառեմ ու բոցեմ  
— Դարձուցած ձայնըս անթորոց և երգերն իմ՝ անհուն բով —

Ձեր բիբին մեջ արյունող առտուններու ծիրանին,  
Կեսօրներու լույծ ոսկին, արևի հույզը եռման  
Եվ իմ այս նոր հոգիես վարգող հողմերը ուժգին  
Եվ շառագույն ճակտով խենթ խիզախանքներն ընդվզման:

Մակընթացնե՛ր մարդկային, եկեք ինձի շենքերե,  
Ես հարություն կուտամ հին հերոսաներուն և անաանձ  
Տորմիղներուն, զոր նորոգ Կոլումբոս մը կվարե  
Դեպի նորոգ աշխարհներ, դեպի երկիրն ավետյաց:

Եկեք, եկե՛ք դուք ինձի: Խիզախանքով մը ցասման  
Ես ճակտիս տակ կկրեմ բոլոր դարերն անարեգ,  
Անցյալն ամբողջ ցեղերու, արևներու ապագան.  
Եկեք ինձի, եղբայրնե՛ր, և դուք զանոնք կտեսնեք,

Երբ բանտերէն ձեր ժայթքած կոհակներով զայրագին  
Ձեր մարդկային փոթորկոտ մակընթացը հորդելով,  
Ափին վրա իմ սրտիս, ուր մոլոր է իմ հոգին,  
Անհուսությունն իր պատմե կարմրաշառայլ շեշտերով:

## ՕՐՀՆԵՐԳ. ԼՈՒՅՍԻՆ

### Ա.

Ահ, տո՛ւր մեզի, օ՛ լույս, սիրտ մը, ուր շող ծագի,  
Համբույրներու թիրսեր և ողկույզներ երգի,  
Սերմեր երազներու և հասկաթուռ ծիլեր,  
Խուրձ-խուրձ հույս ու ծիծաղ, գիրկ-գիրկ կապույտ ու սեր  
Եվ բերկրության հունձքեր, խաղաղության պաշար,  
Օ՛ լույս, սիրտ մը տուր ինձ քեզ տոնելու համար:  
Անտառը կծփա և ծաղիկներ կերգեն,  
Հովը, ոսկի Պակտոլ, բխած բիլ երկինքեն,  
Գետի զովացքն ըմպած՝ կիջնե ձող ու հովիտ:  
Ի՛նչ արձակ է չորս դին, ինչքա՛ն վեհ ու վճիտ:  
Թող օրհներգն իմ հառնե, և քու ամբողջ բարին  
Թող պարուրե ամեն օրորոց ու շիրիմ:  
Մարմնիս ու արյանըս, ջիղերուս մեջ բուն-բուն  
Ցրցըքնե ու ցանե, լեցուր ու փրփրեցուր  
Երգի և դաշնության օրհնչալ ջուրը վերուստ  
Եվ խայտանքը վսեմ, բույրը ճանճանչներուդ,  
Որոնք այգ են ծերի, հե՛նակ՝ կաղի համար,  
Ցուպ են մուրացիկի, կույրի համար՝ լամբար...  
Ահ, բա՛ց բիբրդ իմ մեջ, թող լույսըդ արտորա,  
Արև՝ անհո՛ւն նայվածք տարիներուս վրա:

### Բ

Հայտնըվե, լո՛ւյս: Կիզե, արև՛: Ցուլա, իդեա՛լ:  
Զինեցեք զիս հպարտությամբ ծիրանափայլ:  
Փետրսեցեք հոգիիս մեջ շափրակ-շափրակ  
Քնարական ջահերուն բոցը երկնատար:

Պարե, պարե բիբերուս մեջ, կյանքի հաստո՛ղ,  
 Հարե բուսր շեփորնէր ու եղջերափող,  
 Աստվածացմանս համար կերտե հաղթականար,  
 Փառաքանե պայծառությունն այս կենարար,  
 Բա՛ց ծաղիկներդ քունքերուս, ճակտիս վրան,  
 Որ օծյալ է բարձունքներեն, արև՛ լեռան:  
 Երգե, ճշա, դրոշներդ շառաչեցուր,  
 Ահ, վերջապես հայտնըվե, լո՛ւյս ամենարույր.  
 Ես տխրահեծ ձմեռ եմ, որ շող կմուրա,  
 Ուխտավոր եմ հեռուններու ճամբուն վրա:  
 Հաբարտ կուրծքիս սալին եղիք կուանը տաք,  
 Թող կոչնագանգ ըլլա սիրտըս, բռունցքը՛ թակ:  
 Զա՛րկ, զա՛րկ անվերջ դափն ու թմբուկն հպարտության,  
 Փորփըրե՛ իմ վերքըս, միայն բա՛ց դուռըդ լայն:

## Գ

Ես՝ վիհերու զննիչ, բարձունքներու հաղթող,  
 Վեր, վեր կելլեմ ահա, հագած շրացք ու շող.  
 Անցյալով եմ ես մեծ, հզոր եմ ներկայով,  
 Արշունովը՛ եռուն, քաղցուովը՛ գինով:  
 Երկինքն է ինձ թիրախ, շանթը՛ նետ ու աղեղ:  
 Նայվածքովըս՝ ներող, բազուկովըս՝ ահեղ,  
 Օ լո՛ւյս, գեղեցկության աստվածներու կամոք  
 Մարդկությանն այս տխւեղծ կուտամ տեսք մը բարվոք:

## ՎԵՐԱԾՆՈՒՆԴ

### Ա.

Ծագած բոլոր այգերեն, օ, ավելի՛ անսովոր  
 Այգ մը պիտի բարձրանա տիղմին վրա երկրային:

Թիրս— Թիրսու՝ Բաքուի բաղեղապատ ցուպը:

Պակտոլ— Պակտոլու՝ գետակ Լիդիայում, որ, ըստ հունական դիցաբանության, ոսկեփոշի՝ զանակներ էր թավալում:



Ժպտեցե՛ք, արտ ու ակո՛ւ, երգեցե՛ք, լեռ ու ծործո՛ր,  
Պատմեցե՛ք մեժ ու մաքուր Սիրո մասին բոլորի՛ն:  
Ալելույա՛: Նոր կլանքի՛ն և նոր տաճարնե՛ր, օ՛, տեսք,  
Ոսկեդարն է, որ կուգա, կհռչակե ծագե՛ ծագ  
Երազային ճախրի մայր խաղաղությունը անմեզ:  
Ովսաննա՛: Թող շեփորնե՛ր պատռեն կոկորդ ու հագագ,  
Թող շրթունքնե՛րը վառին և ճանաչնե՛ր ճարճատեն:  
Ինկե՛ք, դառն արցունքնե՛ր, հեռո՛ւ, օրե՛ր մթնկա,  
Ծիծաղեցե՛ք, կապույտնե՛ր, և երգեցե՛ք դաշնորեն.  
Պրոմեթևսնե՛ր հաղթական պիտի օժվին մեզ արքա,  
Եվ գլխագիր Օ-ի պես, օրենքնե՛րուն կատարեն  
Առասպելյալ Արևն է, Արևն է, որ պիտի գա:

## Բ

Ովսաննա՛: Թող շեփորնե՛ր պատռեն կոկորդ ու հագագ:  
Ղազարոսնե՛ր, արթնցե՛ք: Գերեզմաննե՛ր, լայն բացե՛ք  
Գիշերային կոպերնիդ երազային ու անմեզ  
Խաղաղության վրա, որ կծփծփա ծագե՛ ծագ:  
Ծառագեցե՛ք, արևնե՛ր, հեղե՛ղ, հոսե՛, երգե՛, վի՛ն.  
Մեռածներն են այ մեռած: Փառք ի բարձո՛ւնս, վերքն է փակ:  
Տաք անյունները, ինչպես բեղմնափոշին, կծաղկին:  
Վերածընունդն է ահա, և այգը նոր կելլե վեր:  
Ովսաննա՛: Թող շեփորնե՛ր պատռեն կոկորդ ու հագագ,  
Ղազարոսնե՛ր, արթնցե՛ք, արթնցե՛ք, օ՛ մեռելնե՛ր:

## ԱՆԿԵԶ ՄՈՐԵՆԻՆ

Բանաստե՛ղծ: Ե՛ս եմ ահա:— Հոգվույդ որդան կարմիրին  
Եվ կապույտին մեջ հովու ես ջահրս վեր կբռնեմ:  
Կճարճատեմ ու կելլեմ, և իմ անկեզ մորենին  
Քերթվածն է, երգը միայն, սատվածային ու վսեմ:  
Մոտեցի՛ր ինձ ու նայե՛ և շոշափե՛ համարձակ  
Երազակոճ դեմքիս պես նաև բոցերըս ելման:  
Ես կրակն եմ սրբազան, որ կայրե մեղք ու զանցանք,

Ես դյուրանքն եմ թրթռացող, շնչող ամեն գոյության,  
Ես արյունն եմ աշխարհի, քթումը ձույլ պղինձին,  
Ես գգվանքն եմ, գիրկը սուրբ և օրորումը մաքուր,  
Ես եմ խորանը երգող, նաև լանկեզ մորեկին,  
Ես եմ, որ հուր պաակով կօծեմ կոհակ ու փրփուր,  
Ես եմ նետերը ոսկի, որունց թիրախն է արփին:  
Ես բնագրն եմ կանաչի, տղամարդու ուժն արու,  
Եվ Մարդն եմ ես ու բոլոր խորհուրդներն իսկ երկնային:  
Եվ բարձրության մեջ եմ ես Կովկասյան սեզ լեռներու,  
Թռչունին մեջ ու մանկան, որ կերգեմ սեր ու ժպիտ,  
Միջօրեին մեջ հրկեզ, երբ զեկիթի իմ գահեւ  
Կարձակեմ ճիշդս բոցե, օրենքներըս գրանիտ,  
Ծիածանի յոթներանգ ժապավենին մեջ եմ ես:  
Ես՝ ամենուր, ես՝ հավերժ: Ես չունիմ վերջ ու վախճան  
Գերմարդկային տարրերուն և բացարձակ ուժին մեջ,  
Մեծ լիճերուն մեջ եմ ես, փոթորիկին ու լեռան,  
Ուրկե՛ ձյունի մանանան կթավարի գահավեժ:  
Ես կրակն եմ, բոցն եմ ես և խարույկն եմ նույն ատեն:  
Ոճիրներուն մեջն եմ ես և մեղքերուն ու ներման,  
Մրրիկներու և հովու համբույրներուն մեջ ամեն,  
Կտղուցին մեջ աստղերու և ցուլերու մոլեկան:  
Ես կամ երգ ու հեծքի մեջ, կամ միրգերու մեջ հասուն,  
Կամ դաշտերու մեջ դեղձան, ալիքներու մեջ ծովուն:

Ես ուղեկիցն եմ հեռու ասույներուն բովանդակ,  
Փայլն եմ արջան, արյունն եմ ծաղիկներուն երփնագույն,  
Պատասպարան կուտամ ես հոգիներուն ճակտիս տակ  
Եվ վիշտերու վերքին մեջ տրոփելով չունիմ քուն:  
Ես խորհուրդն եմ ներշնչման և անեղծվածը կյանքին,  
Անչափելին եմ, ինչպես հորիզոնները իրար  
Ավազորեն խառնոտող անապատի խոլ քամին:  
Քերթությունն եմ սրբազան, խունկն ու կնդրուկը արդար,  
Որոնք երկինք կհառնեն ու կիջնեն մեզ երկինքեն:  
Ես այն եմ, որ կանցնի լուռ և չունի դեմք ու անուն,  
Եղեգներու երգն եմ ես, կապույտի ճիշն ապաքեն  
Եվ տրոփյունը բոլոր թռչուններու թևերուն:  
Ես կորովն եմ գերագույն և անմահ շունչն ու հոգին,  
Գիշերային դաշույնն եմ, բիբին շողյունը վայրի,



Եվ ես մեջն եմ արտերոս մարդաձիու խրխինջին,  
Հառաչանքին մեջ սիրո ու վախազդու ապրտուռի:  
Ես այն եմ, որ կտանի, կառաջնորդե Դանտեաներ  
Յոթնասպանիկ սոսկումի ոլորտներն դար ի վար,  
Որ ճակատներ կվառե, կըլլա բոց ամպ ու եթեր  
Եվ ձեռքերուն մեջ մարդոց կդնե սուր ու տապալար:  
Առաքյալին հետ եմ ես և կավետեմ մարգարեն,  
Խորքն եմ վիհին, և սակայն հյուրը՝ բոլոր տոներուն,  
Նախազգացումն եմ գարնան, որ փրթելով սարերեն,  
Իր ջունջին մեջ կտանի տարփոտ արտերը հեռուն:  
Ես ուսույուն եմ ու թոհչք, մեկնում, խաղիսխ ու կառան,  
Բույրն եմ հողին և արև՝ ճակատներուն վրա բաց,  
Հունտին մեջ եմ ծաղիկի, սառույցներուն մեջ լեռան,  
Ալիքներու ձայնին մեջ ու արծիվին վերասլաց,  
Ես գոյն եմ, լույսն առաջին, էությունն եմ, ես՝ Մայան:

Կրակ է, որ կժայթթե ամբոխներու հորձքն ի վար,  
Կրակ է, որ կցայտե ժայռերեն, որ կփլիհն,  
Կրակ է, որ կճշա նայվածքներու սիրահար  
Եվ արնախում հեներու դաշույններու սուր ապրիհն:  
Կրակ է, որ կպոռթկա գրկումներեն կիզանուտ  
Եվ քու կամքեդ, բանաստե՛ղծ, հպարտությանդ կայծքարեն,  
Ծիհանքներեն քնարիդ, տող ու տունեն երգերուդ,  
Որ ատրաշեկ արևներ և մայրամուտ կբուրեն:  
Կրակ է, որ կհառնե տոհիփներեն վաղ գարնան,  
Դյուցազնական տաղերեն, շլացքներեն վարարուն.  
Կրակ, կրա՛կ, հո՛ւր կա միշտ դրոշներու մեջ վառման,  
Ըմբոստության բռունցքին ու բաշին մեջ հողմերուն:  
Կրակ է, որ կշաշե, երբ սվիններ սլաքվին,  
Երբ թափ առնեն հերոսներ, նային, շարժին, գրոհ տան,  
Երբ պալատներ տապալին, խառնվի կուճը կավին,  
Երբ ծնի Մարդն ու չքվին արհավիրքներ գիշերվան:  
Կրակ է, որ կշողա կողերն ի վար բուրգերուն,  
Կրակ է, որ կմարի աստվածներու քունին մեջ,  
Կրակ, կրա՛կ հավիտյան, ամենուրեք, անդադրում՝  
Այնտեղ, ուր սերը կերգե, կտոչորի ամեն տեղն,  
Ատելության բիբերեն կիչնա երկինք մը ամպոտ,  
Այնտեղ, ուր դարը դարին գողվելով, հար կմնա,



Ուր բզեզներ թռչելով, կայրեն ոլորտը ամբողջ,  
Եվ երազի թևին տակ կծվարին կյանք ու մահ:  
Կրակն է, որ շունչ կուտա քեզ, օ՛քնար, օ՛ խաբկանք,  
Օ՛ խորանի պաշտամունք, խարույկներու տարակույս,  
Չե՛զ, ջահավոր ամբոխներ, որ դեպի գոհը կերթաք,  
Եվ ձե՛զ, մեղքե՛ր մարդկային, որ քավության շունիք հույս:  
Կրակն է, որ կուտոստե, կաղաղակե, կսուրա  
Անպարագիծ օվկիանին, լիճին վրա ծագե ծագ,  
Նահատակի պսակին, դափնիներուն ալ վրա,  
Տառապանքի, տենչերու և քրտինքին մեջը տաք:  
Կրակ, կրա՛կ հավիտյան սրտերուն մեջ, բիբերուն,  
Քանզի հուր է՝ չորրորդ տարր, ամեն իր ու արարած՝  
Քամի, երկիր ու երկինք, դրախտ, դժոխք ու անհուն,  
Տեսանողի լույս ճակտով առաքյալի Բանն՝ աստված,  
Ծամբաներու սիրահար, ջինջ աչքերով մարգարեն,  
Հաճախանքով Անդիի ինքնամոռաց հագներգուն  
Եվ տեսլահարը, որու նայվածքներուն առջևեն  
Կնահանջեն խավարներ, կցնդի կույտն ամպերուն:  
Եվ կրակ կա տակավին աչքերուն մեջ ընտրյալի,  
Կշռույթին մեջ, երբ հոգին կվերանա լիովին,  
Չսպելով հողմ ու մրրիկ, որ հորիզոնը փայլի...  
Բանաստե՛ղծ, ա՛ն ջահրս և նայե՛ ծագող Արևին: